

小閣清風豈易當一般情味若裁呈洛陽有  
客不知姓二十年來享此涼

天官幽居即事

人苦天津遠來須特待來關餘知道泰靜久  
覺神開悟易觀碁局談詩拾酒盃世情千萬  
狀都不與裝懷

遊龍門

江天無少異幽鳥下晴沙路去山形斷川迴  
渡口斜龕巖千萬空店舍兩三家清景四時  
好都城況不賒

重遊洛川

買石尚饒雲買山當從水雲可致無心水能  
為鑑止性以無心明情由鑑止已二者不可  
失出彼而入此魚

川上觀

天氣吟函秋川長魚正遊雖知能避網猶恐  
悞吞鈎已絕登門望會無點額憂因思濠上  
樂曠遠是莊周

伊川擊壤集卷之四

伊川擊壤集卷之五

後園即事三首嘉祐八年 雍光夫

太平身老復何憂景愛家園自在遊幾樹綠  
楊陰乍合數聲幽鳥語方休竹侵舊徑高低  
逆水滿春渠左右流借問主人何似樂谷云

殊不異封侯

天養疎慵自有方洛城分得水雲鄉不聞世  
上風波險但見堂中日月長一局閑碁留野  
客數盃醇酒面脩篁物情悟了都無事未覺  
顏淵已坐忘

年來得疾號詩狂每度詩狂必命觴樂道襟  
懷忘檢束任真言語省思量賓朋欵密過從  
久雲水優閑興味長始信淵明深意在此窓  
當日比羲皇

觀碁長吟

院靜春深晝掩扉竹間闌看客爭碁披羅神  
鬼聚宵臆措置山河入範圍局合龍蛇成陣  
闌劫殘鴻鴈破行飛殺多項羽坑秦卒敗劇  
符堅畏晉師座上戈鋌嘗擊擘面前冰炭旋

更移死生共抵兩家事勝負都由一著時當  
路斷無相假借對人須且強推辭腹心受害  
誠堪懼脅齒生憂尚可醫善用中傷為得策  
陰行狡獪謂知機請觀今日長安道易地何  
嘗不有之

秋日登崇德閣二首

無限英賢押壯圖登臨不用起長吁山川千  
古戰爭後冠劔百年零落餘浪把功名為已  
任那知富貴豈人謀丹青曲盡世間妙寓得  
凭欄意思無

一百年來號太平當初仍患不丁寧京都尚  
有漢唐氣官闕猶虛霸王形煙外亂峯繞隱  
約霜餘紅樹半凋零罇中有酒難成醉旋被  
西風吹又醒

秋日飲後晚歸

水竹園林秋更好忍把芳罇容易倒重陽已  
過菊方開情多不學年充老陰雲不動楊柳  
低風颭輕寒生暮早無灘逸興不可收馬蹄  
慢踏天街草

寄陝守祖擇之舍人

記得相逢否當時在海東別離千里外倏忽  
十年中跡異名尤異心同齒更同終期再清  
會文酒樂無窮

哭張元伯職方

近年老輩頻凋落使我中心又惻然洛社掛  
冠高卧者唯君清激如神仙昔者與君論少  
長今日與君爭後先把酒酌君君必知為君  
洒淚西風前

哭張師柔長官

生平志在立功名誰謂才難與命爭絕筆有  
詩形雅意益棺無地盡交情肯中時事何由  
展天下人才不復評魂若有知宜自慰子孫  
大可振家聲

和登封裴寺丞翰見寄

隘巷筆詠世所傳予何人則耻蕭然既知富  
貴須由命難把升沉更問天靜默有功成野  
性騫驥無路學時賢紛華出入金門者應笑  
溪翁治石田

何事吟寄三城富相公

何事教人用意深出塵於子索沉吟施為歛

似千鈞弩磨礪當如百鍊金釣水誤持生殺  
柄著甚開動戰爭心一盃酒美聊康濟林下  
時時或自斟

代書寄友人

當年有志高天下嘗讀前書笑謝安豈謂此  
身甘老朽尚無閑地可盤桓基逢敵手纔堪  
著琴少知音不願彈非止不才能退默古賢  
長恨得時難

訪姚輔周郎中月陂西園

相憶不可遏西街來訪時交橫過溝水際曲  
遶蔬畦樹偃依頭避年高換手持朋遊相得  
甚何樂更如之

依韻謝登封劉李裴三君見約遊山

諸公見約往嵩前重走新詩各一篇擺落塵  
埃非敢後訪尋雲水奈輸先三陽宮近叢幽  
石萬巖峯高兼紫煙多少勝遊俱未到願陪  
仙躅共攀緣

登嵩頂

九州環遶若恭梓萬歲嵩高看太平四海有  
人能統御中原何復有交爭長愛眼見森雄

輩且願身為堯舜氓五十三年蕪沒事如今  
方喜看春耕

登封縣宇觀少室

天地始融結此山已高極羣峯擁旌幢巨石  
羅劔戟日出崖先紅雨餘嵐更碧安知無神  
仙其間久遁跡

山中寄登封令

初離縣日謀經宿既到山中未忍迴公宇若  
無民事決願攜茶器上山來

歸洛寄鄭州祖擇之龍圖

恩深骨髓謂慈親義重丘山是故人歸過嵩  
陽舊遊地白雲收得辟蘿身

和祖龍圖見寄

吾家賦分是雲山不見雲山不解顏遊興亦  
難拘日限夢魂都不到人間煙嵐欲極無涯  
樂軒冕何常有暫閑洛社交朋屢思約幾時  
曾得略躋攀

綠綺吟

綠綺了時稱好手作為成處似真家須防冷  
眼人觀戲傀儡都無帳幕遮

自況三首

名利場中難若脚林泉路上早迴頭不然半  
百殘軀體正被風波汨未休

滿天風月為官守遍地雲山是事權唯我敢  
開無意口對人高道不妨言

每恨性昏聞道晚長慙智短適時難人生三  
萬六千日二萬日來身却閑

偶書

紛紛議論出多門安得真儒號縉紳名教一  
宗長有主中原萬里豈無人皇帝伯時雖  
異禮樂詩書道自新觀古事多今可見不知  
何者謂經綸

代書寄商洛令陳成伯

此去替期猶半歲商山窮僻少醫名感傷多  
後氣防滯成伯暑濕偏時疾易生聖智不能  
無寒剝賢才方善處哀榮斯言至淺理非淺  
少補英豪一二明

治平丁未仲秋遊伊洛二川六日晚  
出洛城西門宿奉親僧舍聽張道人  
彈琴

向晚驅車出上陽初程便宿水雲鄉更聞數  
弄神仙曲始信壺中日月長

七日遡洛夜宿延秋莊上

八月延秋未熟天農家富貴在豐年一筆雞  
黍一瓢酒誰羨王公食萬錢

八日渡洛登南山觀噴玉泉會壽安縣張趙尹三君同遊

渡洛南觀噴玉泉千峯萬峯遙相連中間一  
道長如雪飛入寒潭不記年

九日登壽安縣錦幘山下宿邑中

煙嵐一簇特崔嵬到此令人心自灰上有神  
仙不知姓洞門閑倚白雲開

並繼西遊疊石溪斷崖環合與雲霄飛泉亦  
有留人意有負他年向此樓屋石溪在縣南五六里

十日西過永濟橋唐橋名

十日西行過永濟時時細雨濕衫衣多情會  
得山神意猶恐行人欠翠微

過宜陽城二首

六國區區共事秦疲於奔命尚難親如何救  
盡半天下豈是關東沒一人

當日宜陽號別都奈何韓國特區區子房不  
得宜遺恨博浪沙中中副車

十一日福昌縣會雨

雲勢移峯緩泉聲出竹遲此時無限意唯有  
翠禽知

依韻和壽安尹尉有寄

不向紅塵浪著鞭殊無才業合時賢本剛壯  
志都無效欲住青山却有緣翠竹陰中開綠  
帙白雲堆裏掛飛泉錦幘正與南溪對他日  
從遊子子傳

十二日同福昌令王贊善遊龍潭潭在南山去縣十五里

二潭冷浸崖根黑數峯高入雲衝碧遊人屏  
氣不敢言長恐雷霆奮於側

水邊靜坐天將暮猶自盤桓未成去馬上迴  
頭更一觀雲煙已隔無重數

十三日遊上寺北在縣及黃澗西

能休塵境為真境未了僧家是俗家不向此  
中尋洞府更於何處覓藏花

堪嗟五伯爭周禮可笑三分拾漢餘何似不

才閣處坐平時雲水逸衣襟

十四日留題福昌縣宇之東軒

洛川秋入景尤佳微雨初過徑路斜水竹洞  
中藏縣宇煙嵐塢裏住人家霜餘紅閣千重  
葉天外晴排數縷霞溪淺溪深清欲澗峯高

峯下碧查牙鳥因擇木飛遠雲為無心去  
更賒蓋世功名多齟齬出羣才業足空嗟浮  
生日月仍須惜半老筋骸莫強誇就此巖邊  
宜築室樂吾真樂樂無涯

十五日別福昌因有所感

連昌官廢昌河在事去時移語浪傳下有荒  
祠難問處古槐枝充竹參天

是夕宿至錦嶂山下

尋常看月亦嬋娟不似今宵特地圓疑是素  
娥紆宿憾相逢為在錦嶂前

十六日依韻酬福昌令有寄

道義相歡豈易親古稱難處是知人文章不  
結市朝士榮辱非關雲水身話入精詳皆物  
理言無形跡盡天真他時洛社過從輩圖牒  
中添又一鄰

十七日錦嶂山下謝城中張孫二君

惠茶

山似接藍波似染遊心一句難拘檢仍攜二  
友所分茶每到煙嵐深處點

壽安縣晚望

休歎浮生榮與辱且聽終日水潺潺運穿暝  
靄孤鴻去橫截野煙雙鷺遲佳樹木作排青  
巖下圓好峯環翠縣前山報言名利差輕者  
少輟光陰到此間

十八日逾牽羊坂南達伊川墳上

三尺荒墳百尺山生身慈愛在其間此情至  
死不能盡日暮徘徊又且還

思程氏父子兄弟因以寄之

年年時節近中秋佳水佳山爛熳遊此際歸  
期為君促伊川不得久遲留

氣候如當日山川似舊時獨來還獨往此意  
有誰知

十九日歸洛城路遊龍門

伊川往復過龍山每過龍山意且閑莫道移  
人不由境可堪深著利名間

無煩物象弄精神世態何常不喜新唯有前  
墀好風月清光依舊屬閑人

留題龍門

融結成來不記秋斷崖蒼壁鎖煙愁中分洪  
造夏王力橫截大山伊水流入即灘聲長在

耳一川風景盡歸樓行人莫動凭欄興無限  
英雄浪白頭

誰將長劍斬長蛟斬斷長蛟劍復韜爪尾蛻  
蛟凝華嶽角牙停惡結嵩高骨傷兩處斬蒼  
壁血出東流洶巨濤此物猶難保身首為言

讒口莫教效

龍門石樓看伊川

數朝從款走煙霞縱意凭欄看物華百尺樓  
臺通鳥道一川煙水屬僧家直須心逸方為  
樂始信官榮未足誇此景得遊無事日也宜  
知幸福無涯

二十日到城中見交舊

年年此際走煙嵐人亦何嘗謂我貪歸見交  
親話清勝且無防患在三緘

二十二日晚步天津次日有詩

溪翁昨晚步天津佇立類洛水只  
聞煎去棹西風唯解促行人山川慘淡籠寒  
雨樓觀參差鏤暮雲此景分明誰會得欲霜  
時候鴈來賓

二十五日依韻和左藏吳傳正寺丞

見贈

上陽光景好看書非象之中有坦途良月引  
歸芳草渡快風飛過洞庭湖不因赤水時時  
往焉有黃茅日日煨莫道天津便無事也須  
閑處著工夫宋詩云從此天津兩畔景不  
致都屬即先夫故有是句

二十九日依韻和洛陽陸剛叔主簿

見贈

一霎蕭蕭晚雨餘風風樓下偶驅車却說片  
玉知能挹樂廣青天幸未疎相閣夏秋間甚  
事可親燈火讀何書恨無東郭嘉程子徒自  
悄悄返弊廬

伊川擊壤集卷之五

伊川擊壤集卷之六

伊川 邵 雍堯夫

賤

代書寄劍州普安令周士彥屯田

作官休用數奚為未有升高不自卑君子屈  
伸方為道吾儒進退貴從宜即今彭澤歸何  
地他日東門去未遲痛恨伊嵩景無限一名  
佳處重求資

二蜀至三吳中間萬里餘去年方北望今歲  
復西驛劍閣離天日秦川限帝都臨風相憶  
處能飲一盃無

又一絕

正當老輩過從日沉值高秋搖落天一把黃  
花一罇酒故人西去又經年

和趙充德秘丞見贈

人言人事危冠冕吾愛吾生遠市朝野面不  
堪趨魏闕關身唯稱訪楊家殊無紀律詩千  
首富有雲山酒一瓢預惜軒車又東去自茲  
風月恐難招

和王不疑郎中見贈

二十年來住洛都眼前人事任紛如形同草  
葉

木何勝野心類鐘彝不啻虛已沐仁風深骨  
髓更驚詩思劇瓊瑤莊周休道虧名實自是  
無才悅衆狙

和魏教授見贈

清世文章日月懸無才唯幸樂豐年遊山太  
室更少室有水伊川又洛川古有孟軻難語  
覺時無顏子易為賢讀書每到天根處長懼  
諸公問控玄

和吳冲卿省副見贈

非有非無是祖鄉都來相去一毫芒人人可  
到我未到物物不妨誰與妨失即肝脾為楚  
越得之藜藿是膏粱一言千古難知處妙用  
仍須看呂梁

和孫傅師秘教見贈

天津南畔是吾廬時荷夫君枉乘車始為退  
朱忘檢束却因閑久長空疎與其功業適青  
史孰若雲山負素書一片丹誠最難狀庶幾  
長得類丹虛

依韻和陳成伯著作長壽雪會

瓊苑羣花一夜新瑤臺十二玉為塵城中竹